

Segunda Carta de Pedro

Kjibokwo ère tara Pedrorë

Kjibokwo ère sorë

Domer shäng kjłara ko Pedro. E kowëba Simón bakoe. Dënashko ga e Jesús oppingga. Jesús oppinggaga dogło sak kjwara kjingsho pjök (12) tjwło arayo ıi e. Jesús wołono, ga woshrra Sbörë iröng obi irgo ga Pedro beno shäng Sbö tjłökwö łaga Jesús äska włeniyo shara.

Kjibokwo ère tarashko ga miyde ga e wołon dörrö, tak pjang 2 Pedro 1.12-15 go sorë ıi eni. E kjışhko ga kjibokwo ère tara Jesús tjłökwö kragaga shdung löng ıi kong. Woydara ga Jesús tjłökwö bek ıi woyotjłiya łok iyado, epga măr ber löng Jesús go włö, epga jëk löng pjłö bek włö bakoe. No kjone kjone to löng tjłökwö bek ıłëm ıi ıë, Jesús tjłökwö kragaga ıi jyăpgwe e go włö ıi tara ba kong. ıłëye shăryëy ba tjok ıi tara ba kong. ıłono ga epga shdüya Sbörë ıi tara ba kong. ıłëye wen kjok pjir ıëshko ıi tara ba kong bakoe.

1 ¹Kjibokwo ère taga tja Simón Pedrorë. Tja parkë Sbö tjłökwö roy łaga Jesucristo äska. Bi Sbö, bi döga Jesucristo ıi, e pjłö beke. E kjışhko ga tjawa Sbö tjłökwö roy łagaga iara łok beno löng măr ba go. Era tjwłö ara.

Nopga măr löng ba go borwatoy dik, kjibokwo ère ichër jek bomi kong.

²Sbö, bi Tjłapga Jesucristo, e miydeımi pjłú kuzong ga rokër ba kong łok ga ba wopjłú ıi kjışhko ga pjăy kjimte łok ara, pjăy ie ber löng włëp bakoe.

Shji jëk pjłö beke

³Sbö, e pjłú, kësbang, tjwłö ara bakoe. Eni ga shji rokara ber löng së iyado włö, shji jëk löng pjłö bek włö bakoe. Shăryëy eni włö ga ba dbo ara go ga shji ichara beno löng ba miyde pjłúe. ıłëye woydëy obłë ıłëme.

⁴Eni ga tjłëno bi kong jłökoyo ga ıłëbo twe bi kong kësbang, tjwłö ara. E go ga pjăy wotjłık löng pjłö bek Sbö dik ga pjłú, pjăy wotjłık löng nopga Sbö miyde ıłëm włeniyo to löng ichaga ba wotjłık owa ıirë dik ame.

⁵E kjışhko ga pjăy măr ba go dö ıłëm, pjăy jëk pjłö bek bakoe. Gueniyo erö ıłëm, pjăy oppis ıłëye woyde Sbörë ıi go bakoe. ⁶Gueniyo erö ıłëm, ıłëye shăryëmi włö ga woyotjłizi yötso guing. Gueniyo erö ıłëm, ıłëbo wen bomi kong owashko ga kuzı kjange. Gueniyo erö ıłëm, ıłëye woyde Sbörë shăryëmi

wlō li, e shāryozīa. ⁷Gueniyo erō llēm, pjāy jēk lōng ēng tjok epenga dō wlēni. Gueniyo erō llēm, bomi pjeyoga oblē woydozī ara bakoe. ⁸Shāryēmi eni jek kēgong kēgong ga bi Tjlapga Jesucristo miydēmi pjū li ber bomi kong tjwō ara, pjāy llēno llēme lēba ga ae. ⁹Gueniyo ēye llēbo lēr bomi kong ēre shāryē llēm ga e no kjok īgō yōtso llēm wlēni, e no kjok īgō llēm wlēni bakoe. Owa pjang ba go tek dēnashko li lōna Sbōrē ba kong beno dret li, e woyojerae.

¹⁰E kjīshko ga pjeyoga, pjāy drōn ēē, jēk lōng pjō bek wlō, pjāy rokara, kjrara Sbōrē li miydēba e go wlō. Shāryēmi eni ga pjāy dir llēm, Sbō rayēmi llēm, ¹¹ga llono ga pjāy āar bi Tjlapga, bi dōga Jesucristo li sōk no pjūyo īyado lishko ga pjāy wlōkjre wopjūe.

Sbō tjōkwo weno sorē

¹²E kjīshko ga tjōkwo bek ēre woyoshrrer bomi kong īyado, e kuromi, ga sōmi lōng pjū gueniyo. ¹³Tja sōk sē obishko ga e woyoshrrer bomi kong īyado. Miydēr ga bor pak li e. ¹⁴Gueniyo tja wolōn dōrōe. Ļara Tjlapga Jesucristorē bor kong eni tjan. ¹⁵E kjīshko ga llēbo shāryēr shāng ara, tja wolono irgo ga pjāy ber lōng tjōkwo ēre woyotjlik īyado wlō.

¹⁶Tjlapga Jesucristo dbo ara, ga llono ga tjwe irōng obi. E lōrorwa bomi kong eni, īnorwa om go ga e kēsbang, tjwō ara kjīshko. Tjōkwo ēre shirorwa borwa woshko llēme. ¹⁷E iaga Data Sbōrē beno kēsbang, tjwō ara. Tjlēno ba kjīshko ga «Bor Wa li kjwe. Woydēr ara. Tja wopjū ba tjok» Ļara eni. ¹⁸Sbō tjlēno eni li kurorwa ter kjok dogo dwayo. Eshko ga tjawa lōng Tjlapga li tjok dūp jong zrek lishko.

¹⁹Miydēy e go ga tjōkwo Ļara Sbō tjōkwo lagagarē dēnashko li, e jīōe. Kjok ro sīshko ga shji iōk borkek shjiy, āar jong kjok shrōng jā, Dbar Kjoklō wenshko. Tjōkwo tara lōk li, e beno bi kong iōk shjiy eni wlēni bako, āar jong Cristo tjwe irōng obishko jā. E kjīshko ga tjōkwo li woyotjliīz yōtso.

²⁰Miydozī ga tjōkwo tara Sbō tjōkwo lagagarē beno lōk Sbō kjibokwo go kēs li, e laga epgarē om go llēme. ²¹Llēbo tara lōk li shira ba woshko llēm bakoe. Tjōkwo Ļara Sbōrē ba kong ba Sēya go li, e tayde lōk erōe.

Nopga, «Tja Sbō tjōkwo Ļaga» Ļe, gueniyo ichaga Sbōrē llēm wlēniyo

2 ¹Dēnashko ga Israel tjēyoga tjērēko, no kjone kjone to lōng tjlē ga «Tja Sbō tjōkwo Ļaga» Ļe, gueniyo ichaga Sbōrē llēme. Eerishko ga no kjone kjone omshāryē eni bakoe. Oba pīya lōng lūtshko, ba wotjlik owa li go jīō wlēni, miga jyō. Epga tjwēna, dōra Tjlapga Jesúsde pjir ēmdē ga opyono beno lōng ba moskwo. Shārye lōk eni, nopga mār Jesús go ame wlō. E kjīshko ga wop ā ga shdūya Sbōrē. ²Nopga ara llēbo owa shāryako llēm wlēniyo shāryē baīya dik. E kjīshko ga tjōkwo bek li lāywēba owa. ³Epga wotjlik lōng dbur tōng ba kong erōe. E kjīshko ga pjāy jyāpgwe lōk tjōkwo shiya ba woshko li go. Gueniyo epga shdūya sorē li Ļara Sbōrē tek dēnashko pjir tjan. Ga llono ga shdūya jīōkoyo.

⁴Sbö parkagaga kjok dogo so Ìlëbo owa shäryono kjishko ga shduna Sbörë, dbura jer iök pjë jong ri ri sjer Ìlëm shtoyo li roshko, pjirira dröng sho go, beno löng kjok ro sī roy, ba Ìlgwezlong dbaryo tjwe li koshë. ⁵Dënashko ga nopga Ìlëbo owa shäryono kjishko ga shduna, pira di go drete. Gueniyo Noé, era Sbö tjökwö bek li äga. E kjishko ga döra beno ba pjeyoga doglo kjäk (7) li tjok. ⁶Sodoma sopga, Gomorra sopga, e Ìlëbo owa shäryono kjishko ga shduna, ba kjok li sura iök go, pjonon beno pjlung sho erä. ⁷⁻⁸Gueniyo Lot, era pjlo bek. E kjishko ga döra. Sök nopga Sbö kolë Ìlëm wleniyo li tjreko obishko ga Ìlëbo shärye lok owa li ina, kura sök dbar kjwobi go, ga wosonkono sök ara e kjishko. ⁹Miydëy e go ga Ìlëbo wen nopga pjlo bek li kong owashko ga döya Sbörë ga pjluë. Gueniyo nopga owa li shdüya löng iyado, äär jong ba Ìlgwezlong dbaryo lishko. ¹⁰Ëye jëk löng ba wotjlik owa li go, ga Sbö kolë Ìlëm ga shdüya eni bakoe.

Nopga eniyo Ìlëbo owa shäryëshko ga Ìlëye bangkjre lok Ìlëme. Epga krë ara bakoe. Ba kong ga kjok dogo sopga läywe owa li, e Ìlëye Ìlëme. ¹¹Sbö parkagaga kjok dogo so tjwlo ara, dbo ara, no kjinmo. Eni ëmdë ga kjok dogo sopga oblë li läywe Sbö bokshto eni Ìlëme. ¹²Nopga eniyo omäywe owashko ga Ìlëye läywe löng li, e Ìlë miyde löng Ìlëme. Epga so öng Ìlë kjoyo, Ìlëbo shärye ga woyotjliya Ìlëme. Wotjlik tjwe Ìlë ga shäryayde eröe. Ga Ìlono ga pjir öng dik bakoe. ¹³Ìlëbo shäryara oblë kong owa li kjishko ga kar shdüya Sbörë eni bakoe.

Löng wopjlu wlo ga woyde ga wotjlik tjwe Ìlë li shäryë. Ikoba wëlë ëmdë ga Ìlëbo owa shärye lok dbashko, ga lökyokjre Ìlëme. Ga woyde lok ga pjäy omshäryë eni ba tjok bakoe. Epga bomi kong ga Ìlëbo owa wleni, ië lok bomi tjok li ber lökyo ara bakoe. ¹⁴Walë ë pogo iya ga wotjlik pë ba tjok erä. Sjen Ìlëbo owa shäryë Ìlëme. Nopga mär Sbö go jököyo Ìlëm ga jyäpgwe ara. Wotjlik dbur töng ba kong erö bakoe. Epga shdungko jököyo. ¹⁵⁻¹⁶Dënashko ga domer shäng kjlara ko Balán, e Bosor wa. Balán, e wotjliño dbur shak Ìlëbo owa li go erä. Pjlara ga to shäng Ìlëbo owa shäryë wloshko ga wlonä Sbörë, öng so kwomgla kjoyo dre töshko tjle Ìlëm wleniyo, e ichara kjlara tjle ba kong no dik, Ìlëbo owa li shärye ame wlo. Eerishko ga nopga owa lër shäng li, irbo pjlo bek li rayara, beno jëk löng Balán irbo owa li go shara.

¹⁷Epga so di bäng dano pjir kjoyo, so pjäng sho bakwe pjlukdë llaw pogo kjoyo bakoe. Ga Ìlono ga pjir ber löng kjok ro sī anmoyö li roshko. ¹⁸Epga tjleshko ga Ìlëye le li tjwlo ara le, gueniyo tjwlo Ìlëm, Ìlëno Ìlëme. Ga nopga wotjlik Ìlëbo owa shäryë ame le kjwle wleni li jyäpgwe, jëk ber löng ba wotjlik owa li go wlo. ¹⁹«Pjäy döktonge. Ìlëye shäryëmi woydë li shäryëmi ga pjluë» le lok ba kong. Gueniyo epga om go tjeng Ìlëbo owa shärye löng li dbo dorko. Shji ichaga Ìlërë ga shji ber löng parkagaga tjwlek löng pjir wleniyo ba kong.

²⁰Ëye bi döga Tjlapga Jesucristo miydë Ìlëm ga e songe. Gueniyo miydarashko ga e döktonge. Eshko ga beno löng Ìlëbo owa shäryë ame. Gueniyo opyë Ìlëbo owa shäryë obi wleni ga ber tjeng Ìlëbo owa shärye löng li dbo dorko iröng obi. Eshko ga ber löng song anmoyö. ²¹Irbo pjlo bek twara Sbörë ba kong, jëk ba

go wlo li miydara, rayara kuzong ga e beno song jlöe. Miydara llëm kjwe dey.

²²Epga beno löng llëbo tak pjang Sbö tjlokwo go wleni. Tjlëno beno eni:

«Shjiti yarwono sök ga

döni ga tek tjwe ba uë iröng obi.

Köchi wak sök drëpdre ga

opdik buk tjä tjä di shäng roy jek obi.»

Tjlapga Jesús dbaryo döröe

3 ¹Pjeyoga, kjibokwo tër bomi kong ëre tjok ga kjwo pjök tjän. E goshko ga pjäy poshdun wotjlík bëy wlo. ²Tjlokwo tara Sbö tjlokwo lagagarë dënashko li beno buk bomi kong. Ga tjlokwo lara bi Tjlapga, bi döga Jesús lirë, e lororwa tjawa Sbö tjlokwo roy lagaga Jesús askarë bomi kong bakoe. Woydër ga tjlokwo uunkong ëre woyoshrozï iyado.

³Woydër ga llëbo ëre miydëmi bäm goshko. Kjoj pjir lëshko ga nopga Sbö tjlokwo joywë ä wleniyo wen tjwe, ga jëk löng ba wotjlík owa li go. ⁴Eshko ga tjlä ga «¿Cristo tjwe iröng obi lara llëmdo? ¿Eni ga tjwayde llëm ega? Borwa tjlapgaga tek dënashko so wołono pjir, ga kjoj ëre shäryak dämärshko tek lëkong ga llëye kjlopswoyde llëme» le. ⁵Gueniyo llëye shäryara Sbörë dämärshko li miyde woyde llëme. Eshko ga kjopkwo shäryara, ga kjoj dogro ichara wen tëm dlung roy dwayo, beno buk dlung li tjreko. Uunkong ëre shäryara ba tjlokwo go. ⁶E irgo ga kjoj buk eshko li pira di go drete. ⁷Ga Sbö tjlä ga kjopkwo pjang eerishko li, kjoj ëre, e ber, äär jong no llgwezlong dbaryo lishko. Eshko ga suya iök go, ga nopga owa li pjiya dret bakoe.

⁸Pjeyoga, Tjlapga kong ga dbar kjwara, e lu kop sak dbäw dbäw (1,000) wleni, ga lu kop sak dbäw dbäw (1,000), e ba kong ga dbar kjwara wleni bakoe. E woyojemi llëme. ⁹Tjlapga Jesús tjläno bi kong jlokoyo ga llono ga tjwe iröng obi. Gueniyo no kjone kjone wotjlík ga tjwe wor anmoyö le. Shji songe le, ga woyde ga shji uunkong, llëbo owa shäryëy löng li, e owa jlöe läy, ga rayëy, ëye pjir llëm wlo. E wopro ga sök bi koshë wopjlüe. Tjwe maling llëm e kjishko.

¹⁰Tjlapga Jesús, e tjwe, koshëy löng llëmshko, oba tjwe lürkë wleni. Eshko ga llëbo kuy pjluk ara kjoj dogo, ga llëbo tjeng kës kjopkwo go li suya iökdë dret, ber igöy ame. Llëbo tjeng kjoj ëre kjing go li suya dret eni bako, kjoj ëre kës li tjok.

¹¹Llëbo uunkong pjir ber eni. E kjishko ga woyde ga pjäy jëk pjlo bek, woyde Sbörë sorë li eni. ¹²Eerishko ga pjäy löng Tjlapga Jesús tjwe dbaryo iara Sbörë li koshë. Woyde ga pjäy drön llëbo shäryë, tjwe maling wlo. Eshko ga kjopkwo, llëbo tjeng kës kjopkwo go, e suya iökdë drete. ¹³Gueniyo kjopkwo shärye tjaglën, kjoj shärye tjaglën bako, lara Sbörë bi kong jlokoyo sorë li eni. Eshko ga llëbo pjlo bek erä. E koshoydë löng wopjlüe.

¹⁴E kjishko ga pjeyoga, llëbo ëre koshëmi löng wopro ga pjäy drön jëk pjlo bek, pjäy pogo llëye dret Sbö bokso wlo. Pjäy jëk löng ëng tjok wlëp bakoe.

¹⁵Woyoshrozĩ ga shji koshe Tjłapgarë sők wopjłú, shji döya wło. Bi kjłara Pablo omtono bomi kong eni bako, kjok miydë twara Sbörë ba kong li go. ¹⁶Ga tjłökwo tara bomi kong sorë ga tara nopga oblë oblë kong eni bako, kjibokwo tara kjwobi li go. Gueniyo tjłökwo tara kjone kjone lłë lłöklo miydëy wło ga kjange. No kjone kjone kjok miydë ara lłëm, mär Sbö go jłökoyo lłëm bakoe. Eni ëmdë ga tjłökwo li lłë lłöklo miyde lłok pjlúe le, gueniyo lłë lłöklo le li eni lłëme. Shärye Sbö tjłökwo oblë oblë tjok eni bakoe. E kjışhko ga epga oppjik lłok om go.

¹⁷E kjışhko ga pjeyoga, nopga eniyo sorë miydëmi lłong pjir tjän kuzong ga pjäy sjëk ba tjok, pjäy jyäpgwe nopga Sbö kolë lłëm włeniyo lirë lłëm wło, pjäy jëk lłong ba wotjlik owa li go lłëm wło, tjłökwo bek li rayëmi lłëm wło bakoe. ¹⁸Woyde ga pjäy kjimte bi Tjłapga, bi döga Jesucristo lirë jek këgong, ba wopjłú li kjışhko. Woyde ga e miydëmi jek këgong bakoe. E iëy ber kësbang, tjwłö ara iyado wło. Ber eni.